

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva unutrašnjih poslova, Vlada Zeničko-dobojskog kantona, na 82. sjednici održanoj dana 30.10.2020. godine, d o n o s i

ZAKLJUČAK

I.

Utvrdjuje se Prijedlog Zakona o izmjenama Zakona o unutrašnjim poslovima Zeničko-dobojskog kantona.

II.

Prijedlog Zakona iz tačke I. ovog zaključka upućuje se u dalju skupštinsku proceduru, po skraćenom postupku.

III.

Zaključak stupa na snagu danom donošenja.

Broj: 02- 02-17490 /20
Datum, 30.10.2020. godine
Zenica

DOSTAVLJENO:

1x Ministarstvo unutrašnjih poslova,
 Stručna služba Skupštine,
1x a/a.



PRIJEDLOG

Na osnovu člana 37. stav 1. tačka f) Ustava Zeničko-dobojskog kantona Skupština Zeničko-dobojskog kantona, na ___ sjednici održanoj dana _____ 2020. godine, d o n o s i:

ZAKON O IZMJENAMA
ZAKONA O UNUTRAŠNJIM POSLOVIMA
ZENIČKO-DOBOJSKOG KANTONA

Član 1.
(Izmjena člana 6a.)

U Zakonu o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19 i 22/19) u članu 6a. tekst "01.01.2020. - 01.01.2021." zamjenjuje se tekstem "01.01.2021. - 01.01.2022.".

Član 2.
(Izmjena člana 90.)

U članu 90. tekst "01.01.2021." zamjenjuje se tekstem "01.01.2022.".

Član 3.
(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Zeničko-dobojskog kantona", a primjenjuje se počev od 01.01.2021. godine.

Broj:
Datum:
Z e n i c a



PREDSJEDAVAJUĆI

Ćazim Huskić

OBRAZLOŽENJE

PRAVNI OSNOV

Pravni osnov za donošenje Zakona o izmjenama Zakona o unutrašnjim poslovima Zeničko-dobojskog kantona sadržan je u članu 37. stav 1. tačka f) Ustava Zeničko-dobojskog kantona u kojem je propisano da Skupština Zeničko-dobojskog kantona donosi zakone i druge propise iz nadležnosti kantonalnih organa.

RAZLOZI ZA DONOŠENJE

Razlozi za donošenje Zakona o izmjenama Zakona o unutrašnjim poslovima Zeničko-dobojskog kantona (u daljem tekstu: Prijedlog Zakona) sadržani su u sljedećim činjenicama:

Zakonom o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19 i 22/19) (u daljem tekstu: Zakon o unutrašnjim poslovima) propisano je da se isti primjenjuje počev od 01.01.2019. godine, a dopunama istog od 20.05.2019. godine dodat je član 6a. kojim je regulisan način osiguravanja sredstava za rad Uprave policije Ministarstva unutrašnjih poslova Zeničko-dobojskog kantona (u daljem tekstu: Uprava policije) u Budžetu Zeničko-dobojskog kantona u okviru budžetske organizacije Ministarstva unutrašnjih poslova, za period od 01.01.2019. do 01.01.2020. godine.

Izmjenama Zakona o unutrašnjim poslovima od 16.12.2019. godine član 6a. je izmijenjen u dijelu koji se odnosi na period tako da se sredstva za rad Uprave policije osiguravaju na isti način i za period od 01.01.2020. do 01.01.2021. godine.

S obzirom da je, u toku ove godine zbog proglašenja pandemije covid 19 i svih posljedica koje je ta situacija općenito proizvela kako u svijetu tako i u Bosni i Hercegovini, ista se značajno odrazila i na rad Ministarstva (povećan obim posla zbog novih nadležnosti, odsustvo službenika sa posla zbog samoizolacije i sl.), nisu bili prilagođeni uslovi za izmjenu Zakona o unutrašnjim poslovima, te je jedinstven budžetski zahtjev za Ministarstvo unutrašnji poslova i Upravu policije utvrđen i za 2021. godinu.

Zbog neophodnosti omogućavanja nesmetanog finansiranja Uprave policije u periodu kako je navedeno u Prijedlogu Zakona potrebno je izmijeniti član 6a.

Predlaganje izmjena Zakona o unutrašnjim poslovima po skraćenom postupku obrazlažemo činjenicom da se ne radi o obimnom i složenom zakonu kao i činjenicom da postoji neodložna potreba da se do početka naredne fiskalne godine stvore sve pretpostavke za nesmetano finansiranje svih potrebnih sredstava za rad Uprave policije.

Uzimajući u obzir naprijed navedeno predlažemo da se Zakon o izmjenama Zakona o unutrašnjim poslovima donese u predloženom tekstu i po skraćenom postupku.



OBRAZLOŽENJE POJEDINIH PRAVNIH RJEŠENJA

Član 1. Prijedloga Zakona

U članu 6a. vrši se izmjena perioda u kojem se sredstva za rad Uprave policije osiguravaju u okviru budžetske organizacije Ministarstva unutrašnjih poslova.

Član 2. Prijedloga Zakona

U članu 90. propisuje se početak primjene predloženog Zakona o izmjenama Zakona o unutrašnjim poslovima.

Član 3. Prijedloga Zakona

Propisano je stupanje na snagu osmog dana od dana objavljivanja u "Službenim novinama Zeničko-dobojskog kantona" i početak primjene Prijedloga Zakona.

POTREBNA FINASIJSKA SREDSTVA

Donošenje i provođenje predloženog Zakona o izmjenama Zakona o unutrašnjim poslovima Zeničko-dobojskog kantona neće rezultirati fiskalnim posljedicama na Budžet Zeničko-dobojskog kantona za 2021. godinu.



MINISTAR

Dario Pekić

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

	<small>KOD</small>	<small>NAZIV</small>
Razdjel	15010001	MINISTARSTVO UNUTRAŠNJIH POSLOVA ZENIČKO-DOBOJSKOG KANTONA

B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	Zakon o izmjenama Zakona o unutrašnjim poslovima Zeničko-dobojskog kantona					

C 3. Izjava o nepostojanju dodatnih fiskalnih efekata predloženog propisa

Provođenje Zakona o izmjenama Zakona o unutrašnjim poslovima Zeničko-dobojskog kantona neće rezultirati fiskalnim posljedicama na Budžet.


D 4. Pečat i potpis odgovornog lica

Ministar Dario Pečić

Mjesto i
datum

Zenica, 12.10.2020.godine





SKUPŠTINA

344.

Na temelju članka 37. stavak 1. točka f) Ustava Zeničko-dobojskog kantona, Skupština Zeničko-dobojskog kantona, na 66. sjednici održanoj 17.09.2018. godine, donosi

ZAKON O UNUTARNJIM POSLOVIMA ZENIČKO-DOBOJSKOG KANTONA

DIO PRVI – OSNOVNE ODREDBE

Članak 1. (Predmet zakona)

Ovim Zakonom se uređuju unutarnji poslovi iz mjerodavnosti Zeničko-dobojskog kantona (u daljem tekstu: Kanton), organizacija i mjerodavnost Ministarstva unutarnjih poslova Zeničko-dobojskog kantona (u daljem tekstu: Ministarstvo), rukovođenje Ministarstvom, rukovođenje Upravom policije, imenovanje, sastav i funkcioniranje Neovisnog odbora, natječajna procedura, te imenovanje i mandat policijskog komesara, ocjena rada, postupak smjene i razrješenja i disciplinska odgovornost policijskog komesara, imenovanje, sastav i funkcioniranje Ureda za pritužbe javnosti, zaposlenici Ministarstva, dan policije i nagrađivanje, međusobni odnosi i suradnja Ministarstva sa Ministarstvom sigurnosti Bosne i Hercegovine i drugim ministarstvima unutarnjih poslova u Bosni i Hercegovini, policijskim organima, organima uprave i jedinicama lokalne samouprave u Kantonu, te druga pitanja od značaja za rad, organizaciju i ostvarivanje funkcije Ministarstva.

Članak 2. (Pravni temelj za rad Ministarstva)

(1) Unutarnje poslove na teritoriji Kantona vrši Ministarstvo.

(2) Rad Ministarstva zasniva se na Ustavu Bosne i Hercegovine, Ustavu Federacije Bosne i Hercegovine, Ustavu Zeničko-dobojskog kantona te zakonima i drugim propisima Bosne i Hercegovine, Federacije Bosne i Hercegovine (u daljem tekstu: Federacija) i Kantona.

Članak 3. (Principi policijske službe)

Svi propisi iz mjerodavnosti Ministarstva i Uprave policije, moraju biti sukladno Međunarodno prihvaćenim principima policijske službe u demokratskoj državi, koje je Federacija usvojila 25. travnja 1996. godine u Bonn - Petersburgu.

Članak 4. (Nacionalna zastupljenost)

Nacionalni sastav zaposlenih u Ministarstvu i Upravi policije odražava nacionalnu strukturu stanovništva na teritoriji koju obuhvata Kanton prema popisu stanovništva iz 1991. godine.

Članak 5. (Ravnopravnost spolova)

Gramatička terminologija u ovom Zakonu podrazumijeva uključivanje oba spola.

Članak 6. (Pravni status Uprave policije)

(1) Uprava policije je kantonalna uprava u sastavu Ministarstva, čija se mjerodavnost, organizacija, rukovođenje, način rada i druga pitanja koja su od značaja za rad i funkcioniranje Uprave policije u okviru Ministarstva uređuje ovim zakonom.

(2) Uprava policije je policijski organ, koji vrši policijske poslove i ima operativnu samostalnost.

„Službene novine Zeničko-dobojskog kantona“, broj 10/15), Zakona o plaćama i naknadama policijskih službenika Zeničko-dobojskog kantona („Službene novine Zeničko-dobojskog kantona“, broj: 13/17) i Poslovnika o radu Skupštine Kantona u svezi sa Neovisnim odborom i Uredom za pritužbe javnosti.

Članak 90.
(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“, a primjenjivat će se od 01.01.2019. godine.

(1) Do donošenja propisa iz članka 84. ovog zakona primjenjivat će se propisi koji su se primjenjivali do dana stupanja na snagu ovog zakona.

(2) Instrukcije i naputci iz mjerodavnosti policijskog komesara doneseni prije stupanja na snagu ovog zakona ostaju na snazi do donošenja novih, a najduže šest mjeseci od dana stupanja na snagu ovog zakona kada isti prestaju važiti.

Broj: 01-02-14162/18

Datum: 17.09.2018. godine
Zenica

PREDSJEDATELJ

Jasmin Duvnjak, v.r

345.

Na temelju članka 37. stavak 1. točka f) Ustava Zeničko-dobojskog kantona, Skupština Zeničko-dobojskog kantona, na 66. sjednici održanoj dana 17.09.2018. godine, d o n o s i

ZAKON
O IZMJENAMA I DOPUNAMA ZAKONA O
NABAVLJANJU, DRŽANJU I NOŠENJU ORUŽJA I
MUNICIJE

Članak 1.
(Dopuna članka 6.)

U Zakonu o nabavljanju, držanju i nošenju oružja i municije – Pročišćeni tekst („Službene novine Zeničko-dobojskog kantona“, broj: 9/13 i 1/14), u članku 6. stavak (1) iza točke nn) točka se zamjenjuje zarezom i dodaje nova točka oo) koja glasi:

„oo) airsoft i paintball naprave su puške i pištolji, odnosno sportski rekviziti namijenjeni izbacivanju plastičnih, gumenih ili želatinoznih projektila na isti način kao i zračno oružje, s tim da mogu imati veći kalibar od navedenog i mogu raditi u automatskom režimu i da je energija projektila manja od energije navedene za pojam zračnog oružja.“

Članak 2.
(Dopune članka 6a.)

U članku 6a. stavak (1) Kategorija C iza točke 4) na kraju teksta točka se zamjenjuje zarezom i dodaju nove točke 5) i 6) koje glase:

Članak 87.

(Imovina koju koristi Ministarstvo i Uprava policije)

Imovina Kantona koja je prenesena na korištenje dana 11.12.1996. godine i koju Ministarstvo i Uprava policije koriste na dan stupanja na snagu ovog zakona, kao i imovina koju Ministarstvo stekne nakon stupanja na snagu ovog zakona je imovina Kantona.

Članak 88.
(Diobni bilans)

U roku od šest mjeseci od dana stupanja na snagu ovog Zakona ministar i policijski komesar će donijeti odluku o diobnom bilansu stalnih sredstava i sitnog inventara Ministarstva i Uprave policije.

Članak 89.

(Prestanak primjene važećih propisa)

(1) Danom početka primjene ovog zakona prestaje da važi Zakon o unutarnjim poslovima Zeničko-dobojskog kantona - Pročišćeni tekst („Službene novine Zeničko-dobojskog kantona“, broj: 15/04, 11/05, 9/09 i 2/18).

(2) Danom početka primjene ovog zakona prestaje da važi Uredba o uredu za pritužbe javnosti, Pročišćeni tekst („Službene novine Zeničko-dobojskog kantona“, broj: 12/09 i 11/10).

(3) Danom početka primjene ovog zakona prestaje da važi Odluka o utvrđivanju 15. maja kao Dana policije Zeničko-dobojskog kantona („Službene novine Zeničko-dobojskog kantona“, broj: 4/04).



Godina XXIV - Broj 6

ZENICA, ponedjeljak, 20.05.2019.god.

SKUPŠTINA

18.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 8. sjednici održanoj dana 20.05.2019. godine, donosi:

**ZAKON O DOPUNAMA
ZAKONA O UNUTRAŠNJIM POSLOVIMA
ZENIČKO-DOBOJSKOG KANTONA**

**Član 1.
(Novi član)**

U Zakonu o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18), iza člana 6. dodaje se novi član 6a. koji glasi:

**„Član 6a.
(Sredstva za rad Uprave policije)**

Sredstva za rad Uprave policije, za period 01.01.2019. – 01.01.2020. godine, osiguravaju se u Budžetu Zeničko-dobojskog kantona u okviru budžetske organizacije Ministarstva unutrašnjih poslova.”

**Član 2.
(Dopuna člana 90.)**

U članu 90. interpunkcijski znak tačka na kraju teksta se briše, dodaje se zarez i riječi "izuzev odredbi članova 7., 8., 22. stav (1) tačka h), i) i j), člana 60. stav (4), 61. stav (2), 63. stav (2), 64. stav (3), 75. stav (1) i člana 84. stav (2) tačka a), koje će se primjenjivati počev od 01.01.2020. godine”.

**Član 3.
(Stupanje na snagu)**

Ovaj zakon stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se počev od 01.01.2019. godine.

Broj: 01-02-8308/19
Datum: 20.05.2019. godine
Zenica

PREDSJEDAVALA
Amira Hadžić, s.r.



Godina XXIV - Broj 22

ZENICA, ponedjeljak, 16.12.2019.god.

SKUPŠTINA

544.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 16. sjednici održanoj dana 16.12.2019. godine, d o n o s i:

**ZAKON O IZMJENAMA
ZAKONA O UNUTRAŠNJIM POSLOVIMA
ZENIČKO-DOBOJSKOG KANTONA**

Član 1.**(Izmjena člana 6a.)**

U Zakonu o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18 i 6/19) u članu 6a. tekst "01.01.2019. - 01.01.2020." zamjenjuje se tekstem "01.01.2020. - 01.01.2021."

Član 2.**(Izmjena člana 90.)**

U članu 90. tekst "01.01.2020." zamjenjuje se tekstem "01.01.2021."

Član 3.**(Stupanje na snagu)**

Ovaj zakon stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se počev od 01.01.2020. godine.

Broj: 01-02-18175/19
Datum: 16.12.2019. godine
Zenica

PREDSJEDAVAJUĆI

Čazim Huskić, s.r.

545.

Na osnovu člana 37. stav 1. tačka g) Ustava Zeničko-dobojskog kantona, Skupština Zeničko-dobojskog kantona, na 16. sjednici održanoj dana 16.12.2019. godine, d o n o s i:

**IZMJENE I DOPUNE BUDŽETA
ZENIČKO - DOBOJSKOG KANTONA
ZA 2019. GODINU**

I. OPĆI DIO**Član 1.****(Sadržaj)**

U Budžetu Zeničko-dobojskog kantona za 2019. godinu („Službene novine Zeničko-dobojskog kantona“ broj:3/19) član 1. mijenja se i glasi:

Broj: 07-02-16749/20
Zenica, 14.10.2020. godine

MINISTARSTVO UNUTRAŠNJIH POSLOVA

PREDMET: Mišljenje na Prijedlog Zakona o izmjenama Zakona o unutrašnjim poslovima Zeničko-dobojskog kantona - *dostavlja se*

Ministarstvo finansija je razmotrilo Prijedlog Zakona o izmjenama Zakona o unutrašnjim poslovima Zeničko-dobojskog kantona, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

U obrazloženju Prijedloga Zakona o izmjenama Zakona o unutrašnjim poslovima Zeničko-dobojskog kantona, navedeno je da „donošenje i provođenje predloženog Zakona o izmjenama Zakona o unutrašnjim poslovima Zeničko-dobojskog kantona neće rezultirati fiskalnim posljedicama na Budžet Zeničko-dobojskog kantona za 2021. godinu.“

U dostavljenoj Izjavi o fiskalnoj procjeni – obrazac IFP-NE od 12.10.2020. godine, navedeno je da „provođenje Zakona o izmjenama Zakona o unutrašnjim poslovima Zeničko-dobojskog kantona neće rezultirati fiskalnim posljedicama na Budžet.“

Imajući u vidu navedeno obrazloženje Prijedloga Zakona i dostavljenu Izjavu o fiskalnoj procjeni, Ministarstvo finansija nema primjedbi iz svoje nadležnosti, s tim da je u slučaju eventualne potrebe za dodatnim sredstvima za provedbu navedenog Zakona, nedostajuća finansijska sredstva obavezno je obezbijediti samo Ministarstvo unutrašnjih poslova Zeničko-dobojskog kantona, kroz uštede ili unutrašnje preraspodjele sredstava.

S poštovanjem!

Dostavljeno:

1x Naslovu,
1x a/a.





Ministarstvo unutarnjih poslova
n/r ministra
-ovdje-

Zenica, 14.10.2020. godine
Veza Vaš broj: 08-01-02/2-02-1-2817/20 od 13.10.2020.
Naš znak: 06/02-02-16749-1/20

0102/2
16.10.20

08-01-02/2-02-1-2817-1/20

PREDMET: Prijedlog Zakona o izmjenama Zakona o unutarnjim poslovima Zeničko-dobojskog kantona - stajalište, dostavlja se

Sukladno članku 11. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), i članku 31. stavak (1) točka a) Poslovnika o radu Vlade Zeničko-dobojskog kantona („Službene novine Zeničko – dobojskog kantona“ broj: 5/11), te na osnovu uvida u tekst Prijedloga Zakona o izmjenama Zakona o unutarnjim poslovima Zeničko-dobojskog kantona (u daljem tekstu: Prijedloga Zakona) dostavljene aktom veze, u postupku pravne analize Prijedloga Zakona, provedene s ciljem utvrđivanje uskladenosti iste sa:

- Europskom konvencijom o zaštiti ljudskih prava i sloboda i drugim pravima;
- Zakonom o prekršajima u Federaciji Bosne i Hercegovine („Službene novine Federacije Bosne i Hercegovine“, broj: 63/14);
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i
- Zakonom o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), daje:

stajalište

Sukladno članku 11. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), a u postupku davanja stajališta na dostavljeni akt broj i datum gornji Ministarstvo za pravosuđe i upravu Zeničko-dobojskog kantona, s aspekta svoje mjerodavnosti, nema primjedbi na dostavljeni Prijedlog Zakona.

Napominjemo, da za jezičko-gramatičke formulacije, kao i za pojedina pravna rješenja u dostavljenom tekstu Prijedloga Zakona Ministarstvo ne snosi odgovornost.

Poštovanje,


Dostaviti:
1 x Naslovu
1 x U pismohranu



MINISTAR
Nebojša Nikolić



Broj: 03-02-16749-1/20
Zenica, 15.10.2020. godine



**MINISTARSTVO UNUTRAŠNJIH POSLOVA
ZENIČKO-DOBOJSKOG KANTONA**

PREDMET: Mišljenje o prijedlogu Zakona o izmjenama Zakona o unutrašnjim poslovima Zeničko-dobojskog kantona - dostavlja se

U skladu sa članom 2. Uredbe o Sekretarijatu za zakonodavstvo Vlade Zeničko – dobojskog kantona («Službene novine Federacije BiH» broj 8/96 i «Službene novine Zeničko – dobojskog kantona» broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona ("Službene novine Zeničko – dobojskog kantona" broj: 5/11), te na osnovu uvida u tekst prijedloga Zakona o izmjenama Zakona o unutrašnjim poslovima Zeničko-dobojskog kantona, u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

MIŠLJENJE

Ustavni i pravni osnov prijedloga Zakona o izmjenama Zakona o unutrašnjim poslovima Zeničko-dobojskog kantona (u daljem tekstu: prijedlog Zakon) je pravilno utvrđen, u skladu sa ustavnim i zakonskim ovlaštenjima Kantona.

Prijedlog Zakona je usklađen sa Jedinostvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08), a predloženo pravno rješenje je definisano sukladno nadležnostima resornog Ministarstva, kao obrađivača predmetnog prijedloga Zakona.

Kada je u pitanju prijedlog obrađivača da se Zakon donese po skraćenom postupku, bez nacрта, smatramo potrebnim podsjetiti da se zakoni u pravilu donose u redovnom postupku.

Ali s obzirom da će Skupština Kantona odlučivati o predloženom načinu donošenja, kao o prethodnom pitanju, na sjednici, tokom rasprave o dnevnom redu, shodno članu 143. stav 1. Poslovnika Skupštine Zeničko-dobojskog kantona – Treći prečišćeni tekst („Službene novine Zeničko-dobojskog kantona broj 14/18), mišljenja smo da se prijedlog Zakona može uputiti u dalju proceduru.

S poštovanjem!

Dostavljeno:
1 x Naslovu,
1 x a/a

SEKRETAR
Berjana Aćkar
Berjana Aćkar